

**ԸՆԹԱՑԻԿ ԴՐԱՄԱՇՆՈՒՄԻ ՀԱՏՎԱԳՅՈՒՆ ՊԱՅՄԱՆԱԳԻՐ**  
**ՊԵՏԱԿԱՆ ՈՁ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻՆ**  
**N 02/24**

Ք.Եղեգնաձոր

10.01.2024թ

«Վայոց ձորի մարզպետի աշխատակազմը, ի դեմս Գլխավոր քարտուղար Ա.Կարապետյանի, որը գործում է մարզպետի աշխատակազմի կանոնադրության հիման վրա, այսուհետ (Պետական մարմին), մի կողմից և Եղեգնաձորի Մշակույթի կենտրոն ՊՈԱԿ-ը՝ ի դեմս տնօրենի պարտականությունները կատարող Ս.Առաքելյանի, որը գործում է ՊՈԱԿ-ի կանոնադրության հիման վրա, այսուհետ (Կազմակերպություն), մյուս կողմից, այսուհետ միասին՝ Կողմեր, հիմք ընդունելով «Հայաստանի Հանրապետության 2024 թվականի պետական բյուջեի մասին» ՀՀ օրենքով նախատեսված համայնքի մշակույթի և ազատ ժամանցի կազմակերպում ծրագրի(ծրագրի դասիչ՝ 1196) շրջանակներում նախատեսված ընթացիկ դրամաշնորհը(այսուհետև՝ դրամաշնորհ) և ղեկավարվելով ՀՀ կառավարության 28.12.2023թ N 2323-Ն որոշմամբ՝ կնքեցին սույն պայմանագիրը հետևյալի մասին:

**1.ՊԱՅՄԱՆԱԳՐԻ ԱՌԱՐԿԱՆ**

1.1 Պետական մարմինը պարտավորվում է ՀՀ 2024 թվականի պետական բյուջեի 08.02.03.01. «Համայնքի մշակույթի և ազատ ժամանցի կազմակերպում» ծրագրի իրականացման համար սույն պայմանագրի 2.1. կետում նշված միջոցները հատկացնել Կազմակերպությանը, իսկ Կազմակերպությունը ստանձնում է պարտավորություն 2024 թվականի ընթացքում իրականացնել թվով 11 միջոցառում(հանդիսատեսի թվաքանակը՝5035 մարդ) :

**2.ՊԱՅՄԱՆԱԳՐԻ ԳԻՆԸ**

2.1 Սույն պայմանագրով կատարված Աշխատանքի ընդհանուր գինը կազմում է 3166.4 (երեք միլիոն մեկ հարյուր վաթսուներեց հազար չորս հարյուր) ՀՀ դրամ, այդ թվում ԱԱՀ 527.8 (հինգ հարյուր քսանյոթ հազար ութ հարյուր) ՀՀ դրամ:

2.2 Սույն պայմանագրի ուժի մեջ մտնելուց հետո Պետական մարմինը սույն պայմանագրի 1.1 կետում նշված գումարը փոխանցում է Կազմակերպության գանձապետական հաշվին՝ համաձայն հավելվածի:

**3.ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

3.1. Սույն պայմանագրի 2.1 կետում նշված միջոցները պետք է ծախսվեն բացառապես սույն պայմանագրի 1.1 կետում նշված նպատակներին համապատասխան:

3.2 Կազմակերպությունը պետք է հաշվապահական փաստաթղթերը վարի օրենսդրությամբ սահմանված պահանջներին համապատասխան և ապահովի սույն պայմանագրի 1.1 կետով նախատեսված նպատակների իրականացման հետ կապված փաստաթղթերին ծանոթանալու՝ Պետական մարմնի ներկայացուցչի հնարավորությունը:

3.3 Կազմակերպությունը պարտավոր է յուրաքանչյուր եռամսյակ ներկայացնել հաշվետվություններ համաձայն ՀՀ ֆինանսների նախարարի 2013 թվականի փետրվարի 4-ի թիվ 104-Ն հրամանի և ՀՀ պետական բյուջեից ֆինանսավորվող կազմակերպություններին աղընչվող այլ իրավական ակտերի:

**4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

4.1. Կողմերը պատասխանատվություն են կրում սույն պայմանագրով նախատեսված պարտականությունները չկատարելու կամ ոչ պատշաճ կատարելու համար:

**5.ԱՅԼ ԴՐՈՒՅԹՆԵՐ**

5.1 Սույն պայմանագիրը ուժի մեջ է մտնում ստորագրման պահից և գործում է մինչև 2024 թվականի դեկտեմբերի 25-ը:

5.2 Սույն պայմանագրում փոփոխություններ և լրացումներ կարող են կատարվել միայն կողմերի համաձայնությամբ, որը կնքվում է գրավոր:

5.3 Սույն պայմանագիրը կնքված է երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

**5.ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՑԵՆԵՐԸ**

**ՊԱՏՎԻՐԱՏՈՒ**

Վայոց Ձորի մարզպետի աշխատակազմ  
Ք.Եղեգնաձոր Շահումյան 5  
ՀՀ ֆն գործառնական վարչություն  
ՀՀ 900351072021

**ԿԱՏԱՐՈՂ**

Եղեգնաձորի,,Մշախոյթի կենտրոն,, ՊՈԱԿ  
Ք.Եղեգնաձոր Մումիկի 6  
ՀՀ ֆն գործառնական վարչություն  
ՀՀ 900358000306

ՀՎՀՀ 08918507



ՀՎՀՀ 08900537

